



**REPUBLIKA E SHQIPËRISË**  
**BASHKIA DURRËS**  
**KËSHILLI BASHKIAK**

**VENDIM**

Nr. 20, datë 06.03.2024

**PËR MIRATIMIN E DISA NDRYSHIMEVE NË VENDIMET E KËSHILLIT BASHKIAK NR. 67, DATË 14.07.2020 PËRSA I PËRKET Z. HASAN HYSEN GJOKA, NR. 145, DATË 28.09.2023 PËRSA I PËRKET Z. GJON SHTJEFNI, NR. 36, DATË 09.05.2022, PËRSA I PËRKET Z. MUSA MUSAI, NR. 104, DATË 19.10.2022 PËRSA I PËRKET ZNJ. OGERTA DHAMO, ZNJ. VALENTINA SHTAMARI DHE ZNJ. JULIANA SHTAMARI**

Në zbatim të nenit 113, pika 2, të Kushtetutës së Republikës së Shqipërisë, të Ligjit nr. 139/2015, “Për vetëqeverisjen vendore” i ndryshuar, Ligjit nr.45/2019, “Për mbrojtjen civile”, Ligjit nr.44/2015, “Kodi i Procedurave Administrative i Republikës së Shqipërisë”, Aktit Normativ nr.9, datë 16.12.2019 “Për përballimin e pasojave të fatkeqësisë natyrore”, miratuar me Ligjin nr.97/2019, Vendimit të Këshillit të Ministrave nr. 750, datë 27.11.2019, “Për shpalljen e gjendjes së fatkeqësisë natyrore në qarqet Durrës dhe Tiranë”, të ndryshuar, Vendimit të Këshillit të Ministrave nr. 904, datë 24.12.2019 “Për përcaktimin e rregullave, të kategorive prioritare, masës së përfitimit, autoriteteve përgjegjëse dhe procedurave për vlerësimin dhe përzgjedhjen e përfituesve nga disa programe të procesit të rindërtimit” i ndryshuar, Vendimit të Këshillit të Ministrave nr. 5, datë 06.01.2020 “Për përcaktimin e rregullave dhe të procedurave për përfitimet nga programi i granteve të rindërtimit dhe projektet model” i ndryshuar, Vendimit të Këshillit Bashkiak nr. 53, datë 25.06.2020 “Për miratimin e vërtetimit të lëshuar nga kryetari i fshatit dhe administratori i Njësisë Administrative si pjesë e dokumentacionit të dosjes së aplikuesit për të përfituar nga Programet e Rindërtimit”, Vendimit të Këshillit Bashkiak nr. 67, datë 14.07.2020 “Për miratimin e listës së përfituesve nga programi i rindërtimit në Njësinë Administrative Manëz”, Vendimit të Këshillit Bashkiak nr. 145, datë 28.09.2023, “Për miratimin e listës së përfituesve nga programi i procesit të rindërtimit në Njësinë Administrative nr. 3, Rruga “Hysen Myshketa”, pallati nr. 30, i dëmtuar nga fatkeqësia natyrore e tërmetit të datës 26 nëntor 2019” i ndryshuar, Vendimit të Këshillit Bashkiak nr. 36 datë 09.05.2022 “Për miratimin e listës së përfituesve nga programi i procesit të rindërtimit në Njësinë Administrative Rrashbull, rruga “Gjon Kastrioti”, pallati nr. 39, i

dëmtuar nga fatkeqësia natyrore e tërmetit të datës 26 nëntor 2019”, Vendimit të Këshillit Bashkiak nr. 104, datë 19.10.2022, “Për miratimin e disa shtesave në aneksin nr. 1, bashkëlidhur Vendimit të Këshillit Bashkiak nr. 32, datë 26.03.2021 “Për miratimin e listës së përfituesve nga Programi i Procesit të Rindërtimit për 4 banesa kolektive, l. 17, rruga “Lura”, pallatet nr. 1&3, dhe rruga “Ahmet Dakli”, pallatet nr. 15&23, të dëmtuara nga fatkeqësia natyrore e tërmetit të datës 26 nëntor 2019” i ndryshuar”, si dhe sipas relacionit të hartuar nga ky komision, me propozim të Kryetarit të Bashkisë,

## KËSHILLI BASHKIAK V E N D O S I :

1. Miratimin e një ndryshimi në Vendimin e Këshillit Bashkiak nr. 67, datë 14.07.2020 përsa i përket klasifikimit si përfitues të z. Hasan Hysen Gjoka në masën e strukturës së njësisë së banimit nga 1+1 në 3+1, sipas relacionit hartuar nga Komisioni i Shqyrtimit të Ankesave DS4-DS5, Bashkia Durrës.
2. Miratimin e një ndryshimi në Vendimin e Këshillit Bashkiak nr. 145, datë 28.09.2023 përsa i përket klasifikimit si përfitues të z. Gjon Shtjefni në masën e strukturës së njësisë së banimit nga 1+1 në 2+1, sipas relacionit hartuar nga Komisioni i Shqyrtimit të Ankesave DS4-DS5, Bashkia Durrës.
3. Miratimin e një ndryshimi në Vendimin e Këshillit Bashkiak nr. 36, datë 09.05.2022 përsa i përket klasifikimit si përfitues të z. Musa Musai në listën e përfituesve në masën e strukturës së njësisë së banimit nga 1+1 në 3+1, sipas relacionit hartuar nga Komisioni i Shqyrtimit të Ankesave DS4-DS5, Bashkia Durrës.
4. Miratimin e një ndryshimi në Vendimin e Këshillit Bashkiak nr. 104, datë 19.10.2022 përsa i përket klasifikimit si përfitues të znj. Ogerta Dhamo, Valentina Shtamari dhe Juliana Shtamari në masën e strukturës së njësisë së banimit nga 1+1 në 2+1, sipas relacionit hartuar nga Komisioni i Shqyrtimit të Ankesave DS4-DS5, Bashkia Durrës.
5. Ngarkohen për zbatimin e këtij vendimi, Komisioni i Posaçëm për vlerësimin dhe përzgjedhjen e përfituesve nga Programet e Procesit të Rindërtimit dhe Zyra e Posaçme e Rindërtimit, Rikonstruksionit dhe Rimëkëmbjes Ekonomike pranë Drejtorisë së Shërbimeve Publike, Bashkia Durrës.

Ky vendim hyn në fuqi sipas përcaktimeve të nenit 55, pika 6, të Ligjit Nr.139/2015, “Për vetëqeverisjen vendore”, i ndryshuar.

**KRYETAR I KËSHILLIT BASHKIAK**

Ani Dyrmishi



**U shpall sot me datë 07.03.2024**







REPUBLIKA E SHQIPËRISË  
PREFEKTI I QARKUT DURRËS


Nr. 162 prot.  
6

Durrës, më 13.03.2024

**Lënda:** Verifikim i ligjshmërisë së aktit

**KËSHILLIT BASHKIAK  
DURRËS**

**KRYETARIT TË BASHKISË  
DURRËS**



Verifikova ligjshmërinë e Vendimit të Këshillit Bashkiak Durrës Nr.20 datë 06.03.2024 “Për miratimin e disa ndryshimeve në Vendimet e Këshillit Bashkiak nr. 67, datë 14.07.2020 përsa i përket z. Hasan Hysen Gjoka, nr. 145, datë 28.09.2023 përsa i përket z. Gjon Shtjefni, nr. 36, datë 09.05.2022, përsa i përket z. Musa Musai, nr. 104, datë 19.10.2022 përsa i përket znj. Ogerta Dhamo, znj. Valentina Shtamari dhe znj. Juliana Shtamari”.

Ky vendim në bazë të Ligjit nr 44/2015 “Kodi i Procedurave Administrative” neni 3 pika 2 nuk është akt me karakter normativ. Vendimi është akt administrativ individual bazuar në nenin 3 pika 1/a të Ligjit nr 44/2015 “Kodi i Procedurave Administrative”, pasi i drejtohet subjekteve të përcaktuar individualisht duke krijuar një marëdhënie juridike konkrete si dhe është i shteruar në zbatimin e tij.

Në bazë të Ligjit Nr.107/2016 “Për Prefektin e Qarkut” (neni 8/a) “Prefekti i qarkut verifikon ligjshmërinë e vendimeve, urdhrave dhe urdhëresave me karakter normativ të organeve të vetëqeverisjes vendore”.

Për sa më sipër verifikimi i këtij vendimi duke qenë një akt administrativ me karakter individual **nuk është në kompetencën e Prefektit të Qarkut.**

Duke ju falenderuar për bashkëpunimin.

**PREFEKTI**

**EMILJAN JANI**

